

(„Službeni glasnik BiH“, broj: 6/12, Utorak, 24. januara 2012. godine)

Na osnovu člana 24. stav (2) Zakona o radnom vremenu, obaveznim odmorima mobilnih radnika i uređajima za evidentiranje u cestovnom prijevozu ("Službeni glasnik BiH", broj 48/10) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), na prijedlog Ministarstva komunikacija i prometa Bosne i Hercegovine, Vijeće ministara Bosne i Hercegovine, na 169. sjednici održanoj 21. decembra 2011. godine, donijelo je

ODLUKU
O MINIMALNOM IZNOSU NOVČANE NAKNADE ZA ISPITIVANJE TAHOGRAFA,
AKTIVACIJU TAHOGRAFA I ISPITIVANJE OGRANIČIVAČA BRZINE

Član 1.

(Predmet Odluke)

Ovom odlukom propisuje se minimalni iznos novčane naknade za ispitivanje tahografa, aktivaciju tahografa i ispitivanje ograničivača brzine.

Član 2.

(Minimalni iznos naknade)

(1) Minimalni iznos novčane naknade utvrđuju se kako slijedi:

- a) za ispitivanje tahografa **150 KM bez PDV-a,**
- b) za aktivaciju tahografa **40 KM bez PDV-a,**
- c) za ispitivanje ograničivača brzine **40 KM bez PDV-a.**

(2) Naknade iz stava (1) ovog člana uplaćuju se na račun ovlaštene radionice za pokriće troškova rada radionice.

Član 3.

(Potvrda o ispitivanju tahografa)

(1) Nakon provedenog postupka ispitivanja tahografa, radionica izdaje potvrdu o ispitivanju na obrazcu iz člana 10. stav (5) Pravilnika o radionicama i tahografima ("Službeni glasnik BiH", broj 4/11).

(2) Do okončanja postupka nabavke obrazaca iz stava (1) ovog člana, a najkasnije do 31. 12. 2011. godine, ovlaštene radionice će koristiti odgovarajuće potvrde proizvođača tahografa.

(3) Ministarstvo komunikacija i prometa Bosne i Hercegovine zadužuje se za provođenje postupka nabavki iz stava (2) ovog člana.

Član 4.

(Stupanje na snagu)

Ova odluka stupa na snagu danom donošenja i objavljuje se u "Službenom glasniku BiH".

VM broj 237/11
21. decembra 2011. godine
Sarajevo
Predsjedavajući
Vijeća ministara BiH
Dr. **Nikola Špirić**, s. r.